

فرسان العشر | #الطريق_إلى_الله | د. حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله وببديك الخير كله واليك يرجع الامر كله. الله اكبر الله اكبر لا اله الا الله. الله اكبر الله - 00:00:00

الله اكبر والله الحمد. بس يا جماعة خلاص ما عادش حد يتكلم. ما عادش حد يقول اي حاجة ما عدش حد يفكر في حاجة. عشر ذي الحجة بدأت يا امة محمد - 00:00:43

عشر ذي الحجة بدأت من عدة ساعات من اول ما المغرب بتاعنا داهو ادن عشر ذي الحجة بدأت. افضل ايام الدنيا بدأت يا امة محمد. احب الايام الى الله بدأت خلاص - 00:00:53

الايام التي لا تعوض على الاطلاق بدأت خلاص. اعظم فرصة في حياتي وحياتك وحياتك. بدأت خلاص يا جماعة هند بنت عتبة كانت من اكثر الناس اللي يكره الاسلام. ايه اللي خلاها تسلم؟ يوم ما الصحابة فتحوا مكة دخلوا بشوق السنين اللي اتحبسوا فيها عن الحرم. فضلوا طول الليل يصلوا ويبكوا في الحرم. فلما شافت المنزر - 00:01:03

بهتت راحت لابو سفيان جوزها ثاني يوم. قالت له ايه؟ قالت له ما رأيت الله عبد حق عبادته مثل ذلك اليوم احنا يا جماعة عايزين بازن الله اللي يشوف عبادتنا للملك الجليل في العشر تيام دول يقول ما رأيت الله عبد حق عبادته مثل هذه الايام - 00:01:23
اويس القرني رضي الله عنه كان بيقول لاعبدن الله في الارض كما تعبدن ملائكة السماء. احنا عايزين ده يبقى شعارنا في العشر ايام دول. لا اله الا الله في الارض كما تعبدن ملائكة السماء. احنا نتنافس مع ملائكة السماوات في العباد. في العمل الصالح في التسبيح في الذكر في وصل الليل بالنهار - 00:01:43

حرف العبادة بازن الله. عايزين في العشر تيام دول نبقي فرسان. فرسان في الصلاة. فرسان في الصيام لان العشر تيام دول معركة. معركة حقيقية لنا اعداء فيها وفيه غنائم عايزين ناخذها ومعركة حياة او موت حياة او موت ما ينفعش نغفل فيها. عايزين نبقي فرسان في الصلاة في الصدقة في الصوم. فرسان العشر - 00:02:03
فرسان العشر هو ده الشعار بتاعنا. انك تبقى فارس من فرسان العشر. فارسة من فارسات العشر ايام من ذي الحجة. ده الشعار بتاعنا من النهاردة ان شاء الله لآخر يوم - 00:02:24

من هذه الايام العشر بازن الله. زي ما كنا فرسان في رمضان يا جماعة. عايزين نبقي فرسان في العشر دهت. عايزين نبقي فرسان بس خدوا بالكم. المعركة بتاعة العشرة اخطر ليه - 00:02:34

اول حاجة ان معركة رمضان كان العدو بتاعك هو نفسك بس. الشياطين مكبلة مصفدة ما لهاش دعوة بك. العشرة دول الشياطين موجودة معك. يعني ايه يعني عدوك الشياطين ونفسك. الاتنين معك بيواجهوك. الاتنين بيحاربوك الشيطان. هيحاول ينيمك. عليك عمر طويل فارقد. هيحاول يعقدك - 00:02:44

يا عم ما كفاية رمضان كفاية على مين؟ كفاية على ربنا سبحانه وتعالى. كفاية عليك في الثواب. كفاية عليك في المقام هيحاول يزهك. يقول لك يعني يعني ابقى اعوض بعد كده هيحاول يحبطك يا عم ما انتاش هتقدر. يا عم ما انتاش هتقدر تبقى راجل صالح ده الحاجات دي بتاعة الناس المجتهدة - 00:03:04

هيحاول انه يشغلك الدنيا والمشغل والدراسة والامتحانات. اللي يشغلك عن ربنا. هيحاول يحوله لك بدل ما يبقى موسم طاعة. انه يبقى موسم معصية. خدوا بالكم يا جماعة معركة رمضان كان حواليك جيش كبير بيدافع معك وبيحارب معك. كل الناس بتعبد. كل

الناس عايزة تتوب. كل الناس منتبهة. انما عشر ديت المعركة بتوعهم - 00:03:21

كثير من الناس مش منتبه لهم اصلا. مش عارف قيمتهم. ممكن تلاقي نفسك لوحدا. ولكن غنائم معركة العشر. اعظم من غنائم معركة رمضان. خدوا بالكم يا شباب خدوا بالكم يا جماعة. معركة العشر غنائمها كأن واحد راح اتقتل. وجاهد لغاية ما اتقتل في سبيل الله وانفق كل حاجة لربنا. سبحانه وتعالى. غنائمها - 00:03:41

افضل غنائم عند الله لانها افضل ايام الله. سبحانه وتعالى. خدوا بالكم يا شباب. لو واحد استشاري وواحد استشاري وواحد عامل في مبنى. العامل في المبنى بيروح يبني ويصب وبتطلع روحه يدي له عشرين جنيه. الاستشاري يجي يبص بصة على المبنى يدوا له خمسين الف جنيه. الله! ازاي! هو فرق مجهود؟ لأ مش فرق مجهود. امال ايه - 00:04:01

لانه فرق علم الاستشاري عنده علم. العلم العلم يا جماعة. شوفوا اللي ما عندوش علم بقيمة الايام ده هيكسر قد ايه. وهضيع قد ايه؟ وهيفرط في فرصة من فرص عمره خطورتها عند ربنا قد ايه. يا اخي كفاية انك تقابل ربنا. لو انت يا اخي سبحانه الله حياتك كلها معاصي قابل ربنا بالعشر تيام دول. قابل ربنا بالعشر تيام دول في ميزانك - 00:04:21

صحيفتك يوم ما تلقى الله سبحانه وتعالى. انا مش باكلكم عن معركة هتبدأ المعركة بدأت. الفروسية بدأت خلاص من اول اذان المغرب. اللي احنا صليناه كذا ساعة يا جماعة احنا في اول ليلة. عارفين يعني ايه في اول ليلة؟ يعني لما ربنا قال وليال عشر. لما ربنا اقسم بها. احنا في ليلة ربنا اقسم بها. احنا بنتكلم - 00:04:41

في درس في وقت ربنا اقسم به. اقسم بالوقت اللي احنا قاعدين فيه ده. انا مش قادر اصدق يا جماعة. انا مش قادر اصدق ان الواحد بيتكلم عن ربنا وعن دين ربنا. في ليلة - 00:05:01

ربنا اقسم بها سبحانه وتعالى. شوفوا عظمة الموقف اللي احنا فيه. وعظمة الوقت اللي احنا فيه هتعمل ايه الليلة؟ وهتبدأي بداية شكلها ايه؟ لازم ضربة البدء لازم اول خطوة تبقى اقوى خطوة. لازم اول خطوة تبقى احسن خطوة على الاطلاق هنعمل ايه؟ هنعمل ايه في الليلة اللي ربنا اقسم بها داهي؟ يا اخواني في الله. يا جماعة عايزين لو انا - 00:05:11

جبت لواحد منكم عقد عمل عشر تيام بمليون جنيه. يا نهار ابيض! لو طالب عنده امتحانات اؤجلها يا عم اجلها. فانا يعني لو انا خدت ايه الشهادات؟ ولو موظف يا عم انا هاخذ يا عم لو اترفدت حتى ده انا افتح اي مشروع به. ولو تاجر اقلل المحل واجي افتح اي محل انا عايزه. ده مليون جنيه في عشر تيام. طب - 00:05:31

يا جماعة ده الموضوع اكر من كده والله يا جماعة. احنا عايزين شعارنا الليلة اعمل لك مليون قبل ما تنام. اعملي لك مليون قبل ما تنامي. لما تلاقي واحد صاحبك قاعد كده في السجن - 00:05:51

ولا في المحاضرة ولا في قاعد كده نايم ولا قل له يا عم قم اعمل لك مليونين ولا قومي يا اختي اعملي لي كذا باكو كده يا جماعة ده المضاعفة رهيبة في هذه الايام. يبقى - 00:06:01

وقت غالي جدا جدا جدا. واحنا بدأنا فيه انووا انكم الوقت وانتم قاعدين تسمعوا عبادة من هذه العبادات. في هذه الليلة العظيمة اللي هي بداية هذه الليالي العشر وبداية هذه الايام العشر. بازن الله سبحانه وتعالى. عايزين نبقي فرسان يا جماعة. فرسان. فرسان في كل حاجة. فرسان في الصلاة. في الصوم. في الصدقة - 00:06:11

فرسان في التوبة فرسان في العبادة فرسان في المجاهدة. فرسان في الدعوة. فرسان في التوبة. ان احنا نبقي فرسان في التوبة الى الله سبحانه وتعالى. اللي مش هيتوب ربنا ربنا هيقهر قلبه. اللي مش هيختار ربنا وهيختار الدنيا بقلبه. العقوبة بتاعته مش هتبقى اي حاجة. قد ما ان قلبه هيتقهر بسبب - 00:06:31

الدنيا اللي اروح لها. احد الناس عنده املاك كتير جدا وعقارات غالية جدا وفي اماكن خطيرة جدا. ضرب وجمع وحسب وقسم. ووصل ان لو باع كل ده وراح عن رصيد الملايين الضخمة ده في بنك في اوروبا النسبة بتاعته تمتاشر في المية الربا بتاعه تمتاشر في المية هيعيش ملك من الملوك هناك. باع كل حاجة وكان متأفف على طول قرفان - 00:06:51

على طول مش مايذ على طول. باع كل حاجة وطلع على اوروبا. ومعه ملايين ضخمة داخل البنك عشان يحطها او يحولها في البنك

قالوا له لا بص انت ما ينفعش انك انت تحط آآ الفلوس بتاعتك عندنا ليه النهاردة ليه؟ لان في ورقة لازم تخلص ما نقدرش نقبلها طب وبعدين كان معه واحد صاحبه - [00:07:11](#)

قال له قال له طب احطها باسمك واخذها بكرة؟ قال له ماشي ما فيش مشكلة خالص. اما تخلص الورقة بتاعتك. ثاني يوم خالص الورقة. رايح لصاحبه. بيقول له يلا يلا ايه؟ يلا عشان - [00:07:28](#)

البنك بنك ايه؟ قال عشان الفلوس انا اعرفك! هو انا اعرفك ولا عمري شفتك! عمري شفتك! شاء عمره ضاع في لحظة! شقى عمره كله! فلوسه كلها راحت! كل ربنا لما - [00:07:38](#)

العبد بيبختار حاجة غيره بيقهر قلبه على الحاجة اللي اختارها غير ربنا. سبحانه وتعالى. لما امريكا طلعت شالنجر شالنجر الصاروخ المتحدي بيتحدوا مين؟ شالن يا جماعة كان معمول عشان يطلع الفضاء يقعد اتناشر شهر. كان فيه خمس رواد فضاء ورائدة. كان المفروض ان التشالنجر هيطلعوا الرائدة دي هتحمّل في الفضاء. تحمل ازاي ما لناش دعوة - [00:07:48](#)

وتقعدي تسع شهور الحمل وتولد في الفضاء ويخوضوا تجربة الحمل والولادة في الفضاء. كان كل جزء في تشالنجر عاملين له جهازين مراقبة على كل جزء في هذا الصاروخ مليارات المليارات اتكلفها وفي اللحظة الموعودة بعد سبعتاشر سانية من صعود المتحدي اللي بيتحدى مين - [00:08:08](#)

انجر يحترق امام كاميرات العالم كلها. بحيس انه مش احترق في الفضاء. ده احترق قدام الدنيا كلها. ازاي؟ ده ما فيش جزء ما فيش جهازين مراقبة له ازاي ولم تحاول امريكا منز هذه اللحظة اكثر من عشرين سنة حتى الان ان تؤيد التجربة مرة اخرى. شوفوا اللي بيتحدى ربنا ربنا بيقهره ازاي. شف ربنا بيقهر ازاي. صاحب - [00:08:28](#)

في الجنتين اللي اشرك بالله ربنا عمل له ايه في الاخر؟ واحيط بثمره. لما واحد يحاوط عدوه يبقى عايز يستأصله. ربنا وصله انه في الاخر يقلب كفيه. خلاص علينا روح كل تقليب الكهف عكس حركة الدعاء انك ترفع ايدك بامل. تقليب الكف ان الاتنين فاضيين بيأس خلاص كل حاجة راحت. شوفوا ربنا وصله لايه - [00:08:48](#)

ان هو اختار غير ربنا القهار يا جماعة. يبقى فرسان في التوبة لازم نبقي فرسان. فرسان في طلب الدار الاخرة. فرسان في طلب الدار الاخرة يا جماعة. الدار الاخرة تكمل - [00:09:10](#)

واحد وكم من واحد شعبان في الدنيا هيطول جوع يوم القيامة. كم من واحدة مروية في الدنيا هيطول عطشها يوم القيامة. كم من واحد عزيز في الدنيا طول زل يوم القيامة. الموضوع مش بسيط يا جماعة. الموضوع خطير جدا ومحتاج مجهود. احد السلف كان لما بيصحى لقيام الليل ينزل المقابر الاول. ويقول لهم يا اهل القبور - [00:09:20](#)

قد طويت الصحائف انتهت. الورق اتشد منكم. كانه بيقول لنفسه خد بالك الورق هيتشد. كان بينزل يتعز بالاموات. احنا فينا ناس بتتعز لما نشوف واحد مريض لما تشوف واحد مبتلى انما لما بنشوف الميت اخطر واعظ صامت. ما بيطلعش ليه؟ الميت يا جماعة الميت ده لو ربنا طلع ميت من تحت التراب بعد يوم - [00:09:40](#)

موتو وطلع مكان هنا اهو يكلمكم هيقول درس ما فيش حد قاله في التاريخ. الميت هيقول لكم ايه؟ عارفين هيقول لنا ايه؟ هيقول لنا انتم قبل ما تصابوا بالمصيبة اصبحت بها قبل ما يحصل لكم اللي حصل في. انتم مش هتقدروا تتخيلوا مهما حصل ابدًا. يعني ايه احساس واحد صحيفته اتقفلت وعداد سيئاته - [00:10:00](#)

وقف. انتم مهما تخيلتم مهما تخيلتم. لا يمكن هتتخيلوا ابدًا. يعني ايه واحد ورقته هتتسلم وهيتحاسب على حاجة حاجة فيها؟ انتم مهما انتم مش هتتخيلوا يعني ايه واحد ما عندوش حاجة اسمها عشر ذي الحجة يشتغل فيهم. ما عادش عنده حاجة اسمها ليل يقوم فيه. ما عدش عنده حاجة اسمها رمضان يصوم فيه. ما عدش عنده حاجة اسمها مواسم يحييه - [00:10:20](#)

انتم مهما تخيلتم مهما حسيتوا مش هتحسوا باحساس واحد ابدًا مهما كان. ما عادتش ايديه ملكه يقلب بها المصحف ولا عينيه ملكه. يبيكي بها من خشية الله ولا لسانه ملكه يذكر به ربنا. مهما تخيلتم - [00:10:40](#)

مش هتتخيلوا ابدًا يعني ايه ميت مع ايقاف التنفيذ. يعني ايه ميت مع ايقاف التنفيذ؟ ولو ترى اذ الظالمون في غمرات الموت.

والملائكة باسطوا ايديهم اخرجوا انفسكم هو بيموت بس مش هيطلعوا روحه ايقاف تنفيذ. امتى التنفيذ هيقف لغاية امتى؟ لغاية ما ربنا يازن ان روحه تطلع بعد ما يعذب قدر ما شاء الله. مهما تخيلتم يعني ايه - [00:10:55](#)

عاصي بيموت مع ايقاف التنفيذ مش هتחסوا بهذا الامر. مهما مهما وصفت لكم مش هتחסوا يعني ايه انسان ما عدش ينفع يقول كلمة استغفر الله تبت اليك يا رب. انتهت الكلمة دي بالنسبة له. يا جماعة الموت وعز رهيب. عايزين نتعز يا جماعة. عايزين نتعز بالاخرة. فرسان نبقي فرسان في طلب - [00:11:15](#)

الدار الاخرة في هذه الايام. فرسان ربنا بيقول وهو اسرع الحاسبين. يعني ثمرة طاعتك ومعصيتك بتبان فورا. بحسابك على الطاعة والمعصية اول باول. وبيستمر ويستمر يعني ايه؟ يعني الطالب اللي ما بيحلس الواجب تاني يوم بيتضرب. انما اللي بيعمل طاعة او معصية فورا بتبدأ العقوبة او المثوبة تنزل. على طول يا جماعة والله - [00:11:35](#)

يعني يعني احنا لازم يعني انت لازم تاخذ بالك انت بتتعامل مع اسرع الحاسبين. يعني العشر تيام دول لو اجتهدنا فيهم في العبادة اسرع الحاسبين. هتلاقي ثمرتين من فور ما تبدأ تجتهد في قلبك ونفسيك. وكل شيه في الحياة ورزقك وكل شيه. بازن الله سبحانه وتعالى. عشان كده لما تيجي يوم القيامة تقول - [00:11:55](#)

اقرأوا كتابيا ها قوموا اقرؤوا كتابيا. تخيلوا الورقة الورقة ما شاء الله اللي اتوزع منها مئات الالوف ده هي بتاعة المرة اللي فاتت. ورقة صفحة جديدة مع الله. تخيل دي لو جت في صحيفتك. بتبص كده لقيت خاتمة قرآن اول مشروع. لقيت آآ تلبية فورية فور الاذان لمدة عشر تيام. لقيت ذكر عشر تيام ما - [00:12:15](#)

سبحان الله والحمد لله ولا اله الا الله. والله اكبر. صيام تسع تيام. حجة وعمرة. عشر تسع جلسات ضحى. لقيت لقيت قيام ليل. ايه ده! هتفرح قديه هاؤم كتابية. تعالوا شوفوا انا عملت ايه وتعبت قد ايه عشان ربنا. وربنا اداني ايه؟ ربنا في جهد الاخرة قال لك اسعى. اسعى اسعوا الى ذكر الله - [00:12:35](#)

السعي ده لما يكون انسان عنده طموح عايز يحققه. عايز يوصل له. ربنا في جهد الاخرة. قال فاستبقوا الاصطباخ ده لما يكون واحد ببص للي جمبه ما حدش هيسبقني. ما حدش - [00:12:55](#)

لك يا رب. ربنا في جهد الاخرة. قال وفي ذلك فليتنافس المتنافسون. التنافس ده لما يكون خلاص اربعة بينصفوا تصفيات قبل النهائي في كاس العالم بيقول لك التنافس احتدم. يعني كل واحد هيموت. ولو ما طلعتش النهائي. ده التنافس يا جماعة. الو هتموت ولا ما وصلتش. هتموت لو ما لحقتش. ربنا قال سارعوا. سارعوا - [00:13:05](#)

الى مغفرة من ربكم. اللي بيسارع ده اللي جاي بحب اللي جاي بشوق. اللي جاي بقلبه ما هوش جاي غصب عنه. اللي جاي بحب صادق لله سبحانه وتعالى يا جماعة يا جماعة كان ابراهيم ابن ادهم قاعد قاعد. لقي واحد من اخوانه معدي مزهول ما هواش داري باللي حواليه. فبعت له واحد قال له انت انت ما لك - [00:13:25](#)

ما سلمتش علينا ليه؟ قال له امرأتي ولدت وما عندي مال. هجيب فلوس منين؟ آآ ادفع للداية اجيب فلوس منين؟ اجيب لها اكل بعد الولادة. اجيب فلوس منين؟ اعمل - [00:13:45](#)

ارسل ابراهيم ابن ادم بسرعة قام باعت واحد بمال كثير وبطعام كثير لامرأة هذا الرجل. فلما لقت المال داخل عليها والطعام داخل عليها ما هي مكروبة زي جوزها فقالت من ارسل هذا؟ قال ابراهيم ابن ادهم - [00:13:55](#)

فرفعت يديها الى السماء وقالت اللهم لا تنس هذا اليوم لابراهيم. اللهم لا تنسى هذا اليوم لابراهيم اجتهدوا يا شباب. عشان نقول اللهم لا تنسى هذه الايام لنا. اللهم لا تنسى قيامها لنا. اللهم لا تنسى صيامها لنا. اللهم لا - [00:14:10](#)

تنسى اجتهدنا فيها. مش هيتنسي لكم عملكم الصالح فيها. في الموازين ابدأ يا جماعة. عايزينك عايزين نلحق بقى. عايزين نلحق. دوايس القرن عايز يلحق الملائكة بيقول اعبد الله في الارض كما تعبد ملائكة السماء. ابو مسلم الخولاني عايز يلحق الصحابة. بيكربج رجليه ويقول لها والله لازحفن بك زحفة - [00:14:31](#)

ايحسب اصحاب محمد ان يستأثروا به دوننا؟ انا لازم الحق اصحاب محمد على الحوض واسبق الرسول عليه الصلاة والسلام واسبق

للنبي عليه الصلاة والسلام يعني الموضوع كبير يا جماعة. الموضوع خطير جدا. الموضوع اخطر مما نتخيل والله العظيم. فرسان -

[00:14:51](#)

فرسان في التوبة. فرسان في التوبة الى الله. النبي عليه الصلاة والسلام قاعد مع الصحابة. رسم خط والخط طالع منه خطوط الخط ده الصراط المستقيم والخطوط ديت الطرق بتاعة المنحرفين. انا عايز اعرض لك الخريطة دي واقول لك انت فين فيها - [00:15:07](#) انت فين ؟ انت على خاطر مستقيم. على خاطر من الخطوط المنحرفة. على خط المستقيم في اوله في اخره انت فين ؟ انت فين ؟

[00:15:22](#) احنا فين يا جماعة؟ احنا فين من الخريطة دي -

احنا فين من طريق ربنا؟ سبحانه وتعالى. لازم لازم يا جماعة نستشعر بقلوبنا. خطورة الموقف اللي احنا فيه. ساعة ما تدخلني تعرضي على الله. انت متخيلة كده دخلة تعرضها على الله سبحانه وتعالى. انت عارفة انت هتشوفي ايه وانت داخله قدامك اهو. هتشوفي

واحدة بتتسحب على وجهها. سبعين الف ملك بيسحبوها وهي بتقول يا ليتني لاموت كتابيا - [00:15:32](#)

عصت ربنا بكل المعاصي والشهوات ومسحوب على وجهها. وهتشوفي واحدة تانية طالعة بتجري وبتقولها قوموا اقرؤوا كتابية. كانت مجتهدة في طاعة ربنا على طول سبحانه وتعالى وهتشوفي نساء واقفين منكسين رؤوسهم وهم بيقولوا ولو ترى اذ المجرمون

ناكسوا رؤوسهم عند ربهم. ربنا ابصرنا وسمعنا فارجعنا نعم - [00:15:52](#)

صالحة. قاعدين يتوسلوا بربنا. هتشوفي هتشوفي اتنين اتنين من صاحباتك كانوا اتنيمات لبعض. كانوا اقرب اتنين لبعض. كانوا قرناء لبعض. ما بيسيبوش بعض واقفين يتشاكلوا واقفين يتشاكلوا وكل واحدة تحدف انتم قبل الثانية. زي سورة قاف بالزبط. قال

قرينه ربنا ما اطغيته. ولكن كان في ضلال - [00:16:14](#)

يا رب مش انا السبب هو اللي كان زال. وده يشتم ده وده يتهم في ده. وفي الاخر لا تختصموا لدي وقد قدمت اليكم بالوعيد.

الموضوع انتهى خلاص الموضوع خلص. تخيلي وانت داخله تعرضي على الله هتشوفي كل المشاهد داهي - [00:16:34](#)

وكل المناظر ده ايه؟ قبل ما تدخل طب لما تدخلني هتعملي ايه؟ هنعمل ايه يا جماعة؟ عايزين نبقي فرسان في طلب الدار الآخرة في هذه الايام. عايزين نبقي فرسان في العباد - [00:16:49](#)

في العباد. العباد يا شباب. انا مش باقول لكم انا مش باكلكم عن العباد. انا باكلكم عن كنوز عمركم اللي هتقابلوا بها ربنا. انا مش باكلكم عن عباد. انا عن اكثر حاجة هتهيج قلوبكم يوم الحزن الاعظم. اكثر حاجة هتفرح قلوبكم يوم الحسرة الرهيبة. اكثر حاجة

هتديكم امل. يوم الندم - [00:16:59](#)

انا باكلكم عن الحاجة اللي ما هتنزلوا اول ليلة في القبر هتحاول بكم من كل ناحية تمنع العذاب من اي ناحية. باكلكم عن الحاجة

اللي يوم ما هتطلعوا من تحت التراب يوم القيامة - [00:17:19](#)

هتوقفكم في ظل عرش الله. باكلكم عن الحاجة اللي ساعة ما هتقابلوا ربنا. ساعة ما نقابل ربنا سبحانه وتعالى اه على لقاء الله. اه على لقاء العباد لله اه على لقاء الصوامين القوامين بالله. اه على فرحة قلوب العباد لما هيكشف الحجاب بينهم وبين ربهم. وفرحة ربنا

بهم اللي اشد من فرحتهم به - [00:17:29](#)

اه على فرحهم لما تيجي يوم القيامة قدام ربنا تقول له يا رب يا رب انا والله العظيم يا رب انا يا رب والله كنت بصوم يا رب واحط

كوباية الماية قدامي - [00:17:49](#)

وكلمها قل لها انا نفسي فيك. ولكن انا باحب ربنا اكثر واغلى. وانا يا رب. انا يا رب كنت اول ما باسمع كلمة الله اكبر في الاذان حياتي بتقف. قلبي بيرتجف. شوق الدنيا - [00:17:59](#)

كله بيطلع في قلبي. بجري على الجامع. وانا يا رب وانا يا رب وانا يا رب انا يا رب اول ما عرفت ان جلسة الضحى انت بتحب

التسبيح فيها ما سبتهاش يا رب. وانا يا رب - [00:18:09](#)

انا يا رب ما سبت شعبانة بتحبها لو عملتها وانا يا رب. انا يا رب ما كنتش بانساك ابدًا. والله ما كنت بانساك ابدًا يا رب. انا ما كنتش

بافتكر حاجة غيرك. انا ما كانش في قلب حد غيرك. ماسكين - [00:18:19](#)

في قلب اي حد غيرك. وانا يا رب وانا يا رب تقولي له انا يا رب انا في كل ليلة من ليالي القيام. الليل ده كان احب اوقات عمري واسعد ايام حياتي كلها - [00:18:29](#)

انا كنت كل ليلة بقوم وانا اجيك يا رب. انا مش شايفاك ولكن كنت بناجيك من حبي لك. مش سامعة ردك علي. ولكن باصلي لك من كتر شوقي اليك يا رب وانا يا رب. يا فرحة العباد ساعة ما يقابلوا ربنا. يا روعة لقاء ربنا بالعباد يا جماعة - [00:18:39](#)

الايام دي يا اللي هتسبت انت بتحب ربنا قد ايه. الايام دي يا اللي هتسبت انت فعلا نفسك كفة الحسنات. في الميزان تتقل قد ايه؟ الايام دي هي اللي هتسبت انت نفسك - [00:18:57](#)

في قصور الجنة ونعيم الجنة قد ايه؟ الايام دي اللي كل واحد منا هيعرف هو مقامه عند ربنا ايه؟ هو فين عند الملك الجليل؟ هدف السلسلة دي اللي اول حلقة - [00:19:07](#)

فيها الليلة يا جماعة ان شاء الله اللي احنا هنكملها مع بعض العشرة من ذي الحجة بازن الله. في كل ليلة من الليالي اللي ربنا اقسم فيها بازن الله سبحانه وتعالى. هدف الدرس ده والسلسلة دي - [00:19:17](#)

ان احنا يا جماعة ان احنا نخرج ملتزمين وملتزمات عابدين وعابدات ان كل واحد منا ينتقل نقلة في علاقته بالله نطلع بقى في علاقتنا بالله. العبادة بتدي امل. امل في الحياة. جريج لما المرأة العاهرة اتبلت عليه ونسبت له ولد - [00:19:27](#) واتعمل له محاكمة والملك واقف هيفصل. ممكن يقتله. والناس واقفة موقوتة. جوريح ازاى يعمل كده؟ والمرة العاهرة واقفة عينيها كلها اكتشف فيه. والجنين نايم قاعد يبكي ويصرخ ما هوش عارف حاجة من اللي حواليه. واللي كانوا بيسمعوا كلام جورج وواقفين مرعوبين. احسن يطلع جوريح فعلا - [00:19:42](#)

طالب ويبقى القدوة اتكسرت قدام عينيهم. وجراح داخل قمة السقة. قمة السبات. قمة اليقين. قمة الاطمئنان. وقال لهم اصلي ركعتين. تشتري بكام معية ربنا لجوريح في الموقف ده؟ تشتري بكام الثقة اللي كانت في قلبه في الموقف ده ليه؟ لانه عابد. مطمئن - [00:20:02](#)

بالله ان ربنا ما بيضيعش اجر العابدين ابدا. ابدا يا جماعة. يا شباب لو انتم فتحتم المصحف من اوله كده دوروا على اول امر في القرآن. ايه اول ربنا امر الناس بايه؟ هتلاقوه في الصفحة الثالثة من سورة البقرة. يا ايها الناس اعبدوا ربكم. اعبدوا اول امر في القرآن العبادة. ليه اول امر؟ لانه احب امر. اول - [00:20:22](#)

ربنا منك في حياتك. انك انت تعبه انك تملأ حياتك بعبادته. بس انا بتعب في العبادة. بس القيام بيبقى ثقيل علي. ما هو اتنين قابلوا بعض. واحد مستريح واحد تعبان. التعبان ده واحد في التعليم والميس رايح ساب وكبر. فالتعبان بيقول له يا اخي انا تعبان. انا ما بلحقش انا. محاضرات من الصبح وسكاشن يا اخي - [00:20:42](#)

بهذلة ودروس خصوصية ومذاكرة وترمات وميت ترمات وامتحانات انا تعبان. الثاني يقول له ده انا باشا. ده انا مستريح. ده انا بنام للظهر ده انا بعمل اللي انا عايزه. هو يا جماعة ده تعبان بس تعب الاحياء - [00:21:02](#)

وده مستريح بس راحة الاموات. انت تختار ايه من الاثنين؟ تعب الاحياء طبعاً. تعب الاحياء. النعيم لا يدرك بالنعيم. المؤمن اذا ارتاح غفل. اخواني في الله. اخواتي يا جماعة عايزين نركز مع بعض. احنا في اخطر ايام ايام الفروسية. الفروسية في العلاقة بالدين. الفروسية فرسان - [00:21:17](#)

فرسان في العبادة. ازاى نبقي فرسان في العبادة؟ لو واحد بعث لك آآ لو حد بعث لك كلمني شكرا. كلمني شكرا. كلمني شكرا. الف مرة. وما ردتش عليه. يبقى موقفه منك ايه - [00:21:35](#)

ربنا بعث لك الف رسالة كلمني. ناجيني ادعيني اعبدني. ادعوني. قرب مني. انت ما ردتش ليه؟ ليه ما ردتش معنى انه بيعت لك ان لسة فيه امل. لو مريض سرطان من الدرجة الخامسة خلاص. اطباء مش عارفين يعملوا حاجة. الدكتور مش هيقول له انت خدت ده ولا لأ؟ الدواء في مواعيده ولا لأ - [00:21:45](#)

الجرعات مزبوظة ولا لأ؟ الاكل آآ ممنوع واللي مش ممنوع ماشي عليه ولا لأ؟ مش هيقول له كده خالص. او مال الدكتور هيقول كده

لمين ؟ لى شاي ف ان فله امل. ان شاي ف ان ان انهى نوع من الائن - 00:22:05

نوع ده ولا النوع ده ؟ ان شاي ف انك ان عديت خلاص ؟ يعنى ما فيش امل انك تبقى عابد ؟ ما فيش امل ان الموسم ده ولا عشر تيام دول تيجي توصل الليل بالنهار فى اللى يعملها فيهم ؟ ما فيش امل نبى - 00:22:15

كده يا جماعة لازم نبى كده. لازم يا شباب. لازم يا شباب نبى كده على قد ما نقدر. عبدالله بن عمرو بن العاص كان عنده ثلاثاشر سنة. طفل فى ستة ابتدائي واولى اعدادي. طفل - 00:22:25

وكان بيختم القرآن كل ليلة وبيصوم كل يوم لغاية ما النبى بعث له ونهاه عن هذا. عليه الصلاة والسلام. وقال له يا رسول الله دعني اتمتع بشبابي. عايز اتمتع بشبابي. دي - 00:22:36

شبابه. يا جماعة فرسان فى العبادة فرسان لو ابنك شافك بتصوم الايام هيصوم زيك. لو بنتك شافتك الايام دي ماسكة المصحف وبتذكر ربنا هتذكر زيك. لازم الاباء والامهات يبقوا قدوة لازم ما - 00:22:46

الموضوع يا جماعة ونجيب اخرنا. فرسان فرسان فى الذكر. عايزين نبى فرسان فى الذكر يا شباب. فرسان فى الذكر يا ابا يا امهات. فرسان فى الذكر يا امة محمد ذكر لسانك حصانك فى العشر تيام دول. احدى النساء راحت للجنيدي. الجنيدي فقالت له يعنى ايه يا جني انا انا زوجي يتزوج - 00:22:59

اراد ان يتزوج علي قال لها طب ويعنى خلاص طب شرع ربنا يعنى. فقالت له لا. اكشف لك وجهي لترى وجهي. وترى من كانت له هل يتزوج عليها ؟ امرأة اخرى فكشفت وجهها فالجنيدي وقع مخشية عليه. هو مش مغشية عليه من جمالها. امال من ايه - 00:23:19
من الكلمة اللى قالتها من كانت له مثلي ايتزوج معها امرأة اخرى ؟ الجنيدي قال من كان له مثل الله ايدخل فى قلبه احد اخر اللى نلق اله زي ربنا. اللى له اله بعظمة ربنا. يبقى فى قلبه حد غيره. اللى له اله فى جلال ربنا يبقى على لسانه ذكر حد غيره. انت ما بتغيرش من الكون. لما ربنا - 00:23:39

بيقول سبحها لله. انا عايز لسانك يشتغل معي بقى ما نضيعش وقت فى العشر ايام دول بقى ابداء. سبح لله ما فى السماوات وما فى الارض. ما فى السماوات يعنى ايه ؟ يعنى زرات تراب الارض بتسبح. يعنى رمال صحاري الارض بتسبح. يعنى قطرات الماء المنهمرة ليل نهار على الارض كل قطرة نازلة وهى بتسبح - 00:23:59

يعنى يا جماعة هدير شلالات الارض تسبح لله. يعنى زئير وحوش الارض تسبح لله. يعنى تغريب طيور الارض تسبح لله. سبح لله. ومرضى ربنا يقول سبح لله. ومرة يقول يسبح لله ما فى السماوات وما فى الارض. ليه ؟ سبح يعنى من يوم ما اتخلقت ما بطلتش تسبح. يسبح يعنى ما فيش لحظة بتعدي - 00:24:19

من غير تسبح. انت ما بتغش من ان الكون كله ذاكر مسبح لله. ما تقول سبحان الله العظيم وبحمده يا اخي. سبحان الله العظيم وبحمده. عايزين يا جماعة عايزين الايام دي ما نضيعهاش فى الذكر ابداء. الرسول عليه الصلاة والسلام بيقول لك سبق المفردون.

الرسول بيقول لك سبق المفردون سبقوا. سبقوا ما حدش يقدر - 00:24:39

الحقهم الذاكرين الله كثيرا والذاكرات. المفردون فى رواية صحيحة الذين يهتدون بذكر الله المولى. المولى بالشىء اللى ما بيتكلمش غيره. اللى ما بيتكلمش عن حاجة تانية. اللى ما يجيش سيرة حاجة غيره. اللى بيتكلم عن الشىء ليل نهار. الذى يهتد فى ذكر الله اللى ما بيضيعش لحظة غير ذكر الله - 00:24:59

عايزين نهتد فى ذكر الله هذه الايام والليالي. عايزين نملاها ذكر وعبادة لله سبحانه وتعالى. عايزين نملاها يا جماعة ما نضيعش فيها لحظة فى غير ذكر الله ذكر الله سبق المفردون. ما بطلتش ذكر. ما تضيعش لحزة. فرسان فى الذكر. فرسان فى المجاهدة. فرسان فى المجاهدة ازاى ؟ السعي يا جماعة بين الصفا والمروة - 00:25:19

الحاجة اللى دروسها ما بتنتهيش. السعي بين الصفا والمروة. ليه سبع اشواط ؟ ليه مش شوط ؟ كأن ربنا بيقول لك ان مش هتسعى مرة ولا اثنين ولا ثلاثة. ما ينفعش تحاول مرة - 00:25:40

ولا اثنين ولا ثلاثة. الفتح ما يجيش من اول مرة ولا تاني مرة ولا ثالث مرة. الفتح بييجي لما تحاول وتحاول وتحاول يوم الفتح

ييجي. الفتح ييجي لما تسعى يا جماعة عشان كده السيدة هاجر سحب ست واحدة ست توكلت على ربنا فجر لها البير اللي الناس

بتشرب منها يوم القيامة. واحدة ست قل يا رب - [00:25:50](#)

عليك يا رب عيني على العبادة في الايام دي. قل يا رب توكلت عليك حسبي الله ونعم الوكيل. اعني يا رب. وشف ربنا هيعينك عودي

شكله ايه. يا جماعة الرسول عليه الصلاة والسلام - [00:26:10](#)

لما كان بيقف عند المسعد اهو الصفا والمروة كان بيذكر النصر من الله. يقول لا اله الا الله وحده نصر صدق وعده ونصر عبده. اשמعني

النصر كان الرسول في المكان بتاع السعي بيحب النصر. لانيك عايز تنتصر لازم نسعى. عايزين الامة تنتصر لازم نسعى يا جماعة. لازم

نسعى. طب واشمعني هنا يا رب؟ نسعى - [00:26:20](#)

هنا ما بين جبلين في حطة كفر اه عشان تتعلم حتى لو صحى رافعة حتى لو ما فيش اسباب اسعى حتى لو ما عكش اي امكانيات

والابواب كلها مقفولة برضه اسعى والفرج هيجي من السماء زي ما حصل مع السيدة. هاجر وكان سعيكم مشكورا. انت سعيك في

الطاعة. لما تقابلي ربنا هيبقى مشكور - [00:26:40](#)

رأيتك في الايمان والعبادة الفترات اللي فاتت؟ مشكور عند الله. عايزين نقف ونفكر يا جماعة. عايزين نقف ونفكر ونحسبها كويس اوي

ان المجاهدة المجاهدة فرسان في المجاهدة. ازاى نبقى فرسان في السبات وفي المجاهدة وفي التضحية الايام دي تستاهل التضحية

والله العظيم. شف سيدنا ابراهيم بيقل لربنا ايه - [00:27:00](#)

بيقول واذا قال ابراهيم رب ارني كيف تحبي الموتى. قال ولم تؤمن قال بلى ولكن ليطمئن قلبي. يطمئن قلبي! يطمئن قلبك يا ابراهيم

ازاي يا ابراهيم يطمئن قلبك بعد ما وقفت في وش قومك لوحدك يا ابراهيم. بتقول لهم فاي الفريقين احق بالامن؟ وزى الجبل وهم

متزلزلين قدام - [00:27:18](#)

وانت واقف راسخ لسة عايز قلبك يطمئن اكثر من كده ايه يا ابراهيم؟ يطمئن قلبك بعد ما اترميت في النار ما فيش شعرة في جسمك

اتزلزلت ولا اتهزت وبتقول حسبي الله ونعم الوكيل - [00:27:38](#)

اطمئن قلبك بعد كده ايه يا ابراهيم؟ يطمئن قلبك بعد ما وقفت في وش النمرود. يقول لك انا احيي واميت تقول له ان الله يأتي

بالشمس من المشرق فاتي بها من المغرب. وما خفتش - [00:27:48](#)

يطمئن قلبك بعد كده ايه؟ الطموح الرهيب في العلاقة بالله. عنده طموح لا يتوقف ولا حدود له. في علاقة قلبه بالله ها واطمئنان قلبه

بالله. بعد كل ده بيقل يا رب عايز قلبي يطمئن. بعد كل ده يا ابراهيم. اومال احنا نقول ايه؟ اومال احنا نعمل ايه؟ طب يا ابراهيم.

قال فخذ اربعة من الطير - [00:27:58](#)

اربعة هدد طاووس حينما حاجات مختلفة. فصرهن اليك ثم اجعل على كل جبل منهن جزءا. ادبحهم وقطعهم وكل ايه؟ حطة حطها

على جبل. طب ليه يا رب على ده تكليف شاق اوي. يا رب عشان يطلع على عشرين ثلاثين جبل ولا عشرة جبال حتى. ده الجبل ده

شيء رهيب يا جماعة في طلوع ونزول. واحد مرة جربها حاجة صعبة جدا - [00:28:18](#)

الجبل الصغنى خالص اللي بنشوفه من تحت ده. ده طلوع صعب جدا. ونزوله صعب جدا. الله! يعني يا رب ليه التكليف صعب كده؟

لان ما فيش وصول الا بتعب ما فيش وصول الا بمجاهدة. ما فيش وصول للباز لازم توطني نفسك على البزل. لازم توطن نفسك على

التعب. عشان كده يا جماعة الفتح على قدر - [00:28:38](#)

شاهدوا في الله حق جهاده. مش اعملوا جاهدوا. اجهد نفسك. اتعب نفسك. هات اخرك في الله. ده عشان ربنا حق جهاده. شف ربنا

يستاهل هو اشتباكم ربنا اختارك اختاره. ربنا مش ناسيك ما تنسهوش. ما ينفعش يا جماعة. هو اجتباكم وما جعل عليكم في الدين

من حرج. الموضوع - [00:28:58](#)

بسيط. ما حدش قال لنا سيبوا شغلكم وروحوا اقعدوا في الجوامع. ما حدش قال لنا سيبوا امتحاناتكم وروحوا اقعدوا في الجوامع. لا

يا جماعة. ولكن عايزين نوازن يا جماعة بين الدين - [00:29:18](#)

الدنيا في حياتنا. عايزين نعالج التطرف في حب الدنيا في قلوبنا يا اخواني في الله. فرسان فرسان في العبادة. فرسان في الذكر

فرسان في المجاهدة. فرسان في التوبة. فرسان في طلب الآخرة. فرسان في الدعاء. الدعاء يا جماعة. يا رب كلمة يا رب لما يقول في القرآن له - [00:29:28](#)

تقاليد السماوات والارض. يعني ايه مقاليد؟ يقول لك مقاليد يعني مفاتيح. الآية دي من اعظم آيات الرجاء في القرآن. يقول لك ربنا بيطمعلك فيه. بيطمعلك بيقول لك انت مش عارف انا عندي كنوز شكلها ايه. انا مفاتيح كل حاجة في ايدي. مفاتيح الجواز في ايدي. مفاتيح الرزق في ايدي. مفاتيح - [00:29:48](#)

فضل في ايدي مفاتيح الخير في ايدي. مفاتيح السعادة في ايدي. له مقاليد السماوات والارض؟ عايز ايه الباب المقفول وانا افتحه لك؟ ايه الكنز مدفون وانا اطلعه لك. ايه الحاجة اللي محجوبة عنك وانا اجيبها لك بس تعال. له مقاليد السماوات والارض. انا كنت دائما اقول لكم ان حل مشاكلنا في - [00:30:08](#)

دعاء لا يا جماعة انا بتراجع عن هذه الكلمة. والله يا جماعة بتراجع عنها في الايام اللي فاتت. عارفين ليه؟ لاني اكتشفت ان مش حل مشاكلنا الدعاء. حل مشاكلنا الدعاء - [00:30:28](#)

ليل نهار. حل مشاكلنا ان احنا ندعي ربنا فرسان في الدعاء. دعاء ليل نهار لربنا ان ايدينا دي ما تنزلش. انت عد كم فيه مشكلة في حياتك انت انت عندك مشكلة في صحتك. وعندك مشكلة في حد حبيبك. وعندك مشكلة في في في ديتك ورزقك. وعندك مشكلة في كذا موضوع شاغلك ونفسك يتحل. وعندك مشكلة في - [00:30:38](#)

دينك وعبادتك وقلبك وقيامك وصيامك وعندك مشاكل في اخرتك. وزنوبك وصحيفتك. يا جماعة احنا محتاجين ندعي ربنا ليل نهار يا جماعة. انت انت تتخيل فلوس كامل لتحل مشاكلك. كم؟ ربع مليون جنيه تحل لك كل مشاكلك. كم واحد في الدنيا معه ربع مليون جنيه وحياته كلها مشاكل؟ اه لا عشرة مليون جنيه. كم واحد في الدنيا معه عشرة - [00:30:58](#)

وحياته كلها مشاكل. طب مليار. كم واحد معه مليار وحياته كلها هم وحزن واكتئاب؟ امال امال ايه؟ ياد يا حبيبي مش من هنا ده من فوق فوق خالص. الحل من فوق. الحل فوق الكرسي فوق العرش الملك الجليل. اللي بايدته حل كل حاجة. انما اللي تحت ده كله - [00:31:18](#)

منك وافقر منك الى الله سبحانه وتعالى. يبقى ازا يا اخواني فرسان في الدعاء. عايزين الايام دي نبقي فرسان في كلمة يا رب فرسان في رفع الاید لربنا. فرسان في الهاتف لربنا. فرسان انا عايزك تدعي لغاية ما تحس ان كل زرة في قلبك بتستغيس بالله - [00:31:38](#) انا عايزك تدعي لغاية ما تحسي ان كل جسمك بيتنفض من شدة الرجاء في الله عايزين نتعلم يا جماعة. عايزين نتعلم ان احنا ندعي بكل قلوبنا بكل طاقتنا. عايزين نتعلم ان الدعاء ده ده سلاحنا الوحيد في الحياة. ده سلاحنا الاول في الحياة. ده - [00:31:55](#) رأس مالنا في مواجهة كل مشاكل الحياة. عايزين نبقي فرسان في الدعاء الايام ده. وخصوصا انها ايام صيام باذن الله. سبحانه وتعالى ما تنسوش تتسحروا بعد الحلقة ان شاء الله - [00:32:13](#)

فرسان فرسان في الدعوة فرسان في الدعوة الى الله من الحاجات اللي والله يا جماعة حرقت قلبي. قهرت قلبي. ان احد يعني بعض اخواننا في امريكا بعثوا ورقة صفحة جديدة مع الله مترجمة بالانجليزي - [00:32:23](#)

انجليزي وعايزين يطبعوها ويوزعوها على الجالية الاسلامية هناك في اريزونا. قلت سبحان الله العظيم. يعني في امريكا مترجم. احنا لما عملنا الورق عملناه عربي. انتم عارفين ايه اللي حزني؟ اللي حزني ان احنا ما افكرناهمش. ما افكرناش ملايين المسلمين اللي ما بيتكلموش غير انجليزي. وملايين المسلمين ما بيتكلموش غير الماني وفرنساوي وهولندي - [00:32:36](#)

يا جماعة ما افكرناهمش. احنا احنا بنفكر على قدنا. الملتزمين قاعدين يدعوا الملتزمين والملتزمات قاعدين يدعوا الملتزمات. هنخرج للناس امتي؟ هنخرج لهم امتي النهاردة وانا بقرأ في سورة الكهف. النهاردة كان الجمعة. كنا بقرأ في سورة الكهف. جيت عند ذو القرنين. حتى اذا بلغ بين السدين - [00:32:56](#)

قلت يا رب بلغ بين الناس. ده كلمة بين السدين دي تشق القلب. بين السدين يعني ناس. الناحية دي سد والناحية دي سد. طب هو دخل لهم منين؟ يبقى لازم عدى سد - [00:33:14](#)

يا داهية بقى عشان يوصل لهم. يعني لو بينا وبين الناس سدود لازم نخترقها ونعديها. لو بينا وبين الناس حواجز لازم نعديها يا جماعة. لازم يا جماعة توصل للناس لازم نوصل للغلبة اللي محتاجين الدعوة. ماشي في الشارع من يومين. لقيت بنتين ورايا كده ماشيين. واحدة بتقول لها انت هتصومي في الايام العشرة؟ قالت لا ما اعرفش ايه؟ اما ابقى اشوف. طبعاً اما ابقى - [00:33:24](#) شف دي معناها ايه؟ معناها معروف يعني. ربنا يعيننا جميعاً على طاعته يا رب. قلت يا رب الناس الناس عايزين حد يعرفهم يعني ايه عشر ذي الحجة؟ الناس عايزة حد ينزل لها - [00:33:44](#)

فضائيات بتغطي ايه يعني؟ انما الدنيا الواسعة دي اللي في الشوارع والجامعات والنوادي مين يوصل لها؟ والسكاشن والراوندات والمحاضرات مين يوصل لها؟ لازم يا جماعة نشيل المسؤولية اللي علينا. حتى اذا بلغ بين السدين كان ناسي الوقت بين السدين. ومحتاجين ان احنا نوصل لهم. وجد من دونهما قوما لا يكادون يفقهون - [00:33:54](#) الواحد كان هيبكي والله. كم قوم لا يكادون يفقهون قولاً في الارض! مستنيين المسلمين! مستنيين الدعاء! يا جماعة كم وفن بيعبد من دون لله الوقت على الارض. زي بوزة وماناو وزي زي هبل وبناه زمان وايساف ونائلة. كان معبود غير الله بيبعد عن وجه الارض. كم دين غير - [00:34:14](#)

الاسلام على وجه الارض. ازاي يا جماعة؟ ازاي ما نحاولش ننقر الناس دي كلها مؤمن الف مؤمن قال ياسين في سورة يس كان معه ثلاث انبياء وخرج يدعو لغاية ما قتل في سبيل الدعوة. ليه؟ طب ما كان يسكت ما يقدرش. ما يقدرش في - [00:34:34](#) يبقى متفرج الا الدين الا ديني. ما اقدرش ابقى متفرج. انا ممكن ابقى متفرج في اي حاجة. انما الدين لا ما اقدرش ده حته مني. ده حته من لحمي ودمي وكياني وروحي - [00:34:49](#) قلبي ما اقدرش في ده ابقى متفرج. عارفة لو حظيتي لنفسك هدف انك انت تعملي حاجة في الدعوة هتعملي. لو حظيت لنفسك هدف انك تعمل حاجة في الدعوة والله هتعمل - [00:35:00](#)

اوعوا تستسلموا لنزغات الشيطان اللي عايز يحبطكم ويائسكم. يا جماعة طفلين قتل ابو جهل في غزوة بدر ليه؟ لانهم من قبل المعركة. احنا داخلين نقتل ابو جهل بس حددوا هدفهم. اعملي لنفسك هدف انك انت تبقي داعية. اعمل لنفسك هدف انك انت تخدم الدعوة. والله ربنا هيفتحها في وشكم. وهيفتحها على ايديكم. ولكن يبقى في هم يا جماعة - [00:35:10](#) يا جماعة ده احنا سبعة عشر مرة في اليوم بنقول اهدنا الصراط المستقيم. اهدنا مش اهدني ليه اهدنا؟ لانك مش هتوصل لربنا لوحدك. مش تهدي وانت لوحدك. مش تهدي غير وسط مجموعة ايمانية. مش تهدي غير وسط بيئة ايمان. لما يكون دروس بتحضرها والشيوخ بتسمعها وعلماء بتستفتي - [00:35:32](#)

وصحبة صالحة بتحفظ معها القرآن. وتروح معها الجامع وتقابلها في صلاة الفجر وجلسة الضحى. بيئة. طب واعمل البيئة دي ازاي؟ ادعو اصحابك. ادعوا صحباتك. اعملوا بيئة اعملوا بيئة لنفسكم. عشان في الاخر تقولوا اهدنا اه. احنا وسط بقية ايمان مش هنضيع. هنهدى ان شاء الله. بازن الله سبحانه وتعالى - [00:35:52](#)

فرسان في الدعوة الى الله فرسان فارسات العشر فارسات العشر من ذي الحجة. عايزك تبقي فارسة من فارسات العشر. فارسة في العفاف. فارسة انك تبقي عفيفة. شوفي حجابك شوفي الدرجة اللي بعده بقى. انقلي بقى. انقلي - [00:36:11](#) لا ما انت مش هتفضلني كده على طول بقى. انت دلوقتي فين؟ انت دلوقتي في اسدال بقى. انقلي نقاب بقى. انقلي بقى. انقلي حاجة اعلى. شوفي اكثر حاجة تقدري تقديمها ايه اللي ربنا سبحانه وتعالى. سواب العباد في الايام دي لا عدل لها يا جماعة. لا عدل لها. المضاعفة بتوصل لسبعميت ضعف في العمل الصالح. زي ما قال ابن عباس - [00:36:25](#)

يوم الصيام بصيام سنة زي ما ورد عن السلف. يعني احنا في ايام مضاعفة رهيبة. نضيعها ازاي؟ ازاي نضيع هذه الايام العظيمة يا اخواننا؟ انا مش قلت لكم المرة اللي فاتت - [00:36:45](#) عايزين ناكل بقلاوة يوم القيامة. احد الاخوة جا لي من كذا يوم بيقول لي يعني اخ شاف رؤية شاف ان انا يعني محطوط قدامي صينية بقلاوة كده فباكل منها - [00:36:55](#)

وبعد كده كانت صواني بقلادة كتير فجه ناس كتير جدا وقعدت تاكل بقلوة قعدنا ناكل بقلوة مع بعض. فاما سمعتها كده افكرت كلمة البقلادة اللي اللي الواحد كان ييفكر فيها قلت سبحان الله بنيناها - [00:37:05](#)

كل بقلادة فعلا في العشر الاوائل من ذي الحجة. باننا فعلا يعني ان شاء الله العقلاء يعني ايه؟ يعني يعني ان احنا ان شاء الله ثواب. ان شاء الله ان شاء الله ربنا مش هيضيع عملنا - [00:37:15](#)

ربنا مش هيضيع الساعة اللي انت قاعد قدامي دلوقتي فيها. ربنا مش هيضيع الساعة اللي انت قاعدة قدامي ومتوترة. وقاعدة قدام واحد بيزعق ومتترفز انت طب اهدا شوية ما انا مش عارف اهدا ما انا لو لو اعرف - [00:37:25](#)

كنت هديت ما هو مليون واحد بيقول لي اهدا مش عارف اهدا. وانت قاعدة متوترة وانت قاعد مشدود. طب انا هعمل الكلام ده ازاي؟ وشايل هم. طب انا هسبت العشر تيام ازاي؟ وشايلة هم - [00:37:35](#)

القيام اللي انت مش عارفة تجيبه وشايل هم جلسة الضحى ده انا بعد الفجر يبقى عايز انام. كل ده في ميزانكم. الهم ده نفسه في ميزاننا. التعب ده في ميزاننا يا جماعة احنا - [00:37:45](#)

يا جماعة احنا في اربح طريق احنا بنعامل ربنا اللي ما فيش زرة واحدة مجهود بتبزلها الا وببيديك اضعاف مضاعفة عليه. مين عامل الشكور سبحانه وتعالى. عايزين عايزك تبقي فارسة. فارسات - [00:37:55](#)

بنت من كل يعني من احدى الكليات اتصلت بي بتقول لي انا عايز البس نقاب واهلي مش موافقين. وانا خلاص بقى انا البسه بعد ما اخلى الاربع سنين. فقلت لك الكلام اللي انت قلتاه ده حرام. قالت لي حرام - [00:38:09](#)

ازاي قلت لها لان الوقتي آآ يعني قولي يا رب لما هاقدر البسه هالبسه مش بعد اربع سنين افرضي ربنا سبحانه وتعالى بدل لك الحال بكرة. انت تعرفي يا بنتي! قولي يا رب انا - [00:38:19](#)

قلت يا رب عينها. ثاني يوم سبحان الله العظيم يعني علمت ان الفتاة ديت ربنا يسر لها ولبست نقاب. ثاني يوم. الفرج جه في يوم. ما فيش حد يستصعب حاجة في الطاعة يا جماعة - [00:38:30](#)

بس بس المهم الصدق. المهم الصدق والمهم كلمة يا رب تطلع من القلب بصدق. وشوفوا ربنا هيعمل لكم ايه. عايزك تبقي فريسة في العفاف. فريسة في الدعوة. فاريسة من فارسات - [00:38:40](#)

فرسان فرسان العشر. فرسان في الذكر. فرسان في الدعاء. فرسان في الدعوة. فارسات. فرسان وفارسات. فرسان في الصلاة. الصلاة. كفاية لما تركع كده وتقوم تقول سمع الله لمن حمده ها ربنا ولك الحمد. بتحمد على ايه؟ بتحمد ان يا جماعة البهائم اعزكم الله هي وضع الركوع ده عايشة فيه طول عمرها - [00:38:50](#)

ما بتقدرش تطلع الطلعة دي بقى. الطلعة دي انت اللي بتعرف تعملها. بتحمد ربنا انه يطلعك الطلعة دي وميزك. بتحمد ربنا. كفاية اول كلمة بتقولها في الصلاة. الحمد لله رب العالمين. الحمد لله وانت واقف كده بتحمد ربنا على نعم لا حصر لها. نعم ورا نعم ورا نعم. تخيلوا يا جماعة انت انت النعم ده والله - [00:39:12](#)

حتى الابتلاء نعم من ضمن النعم. والله جربها مرة. قولي الحمد لله رب العالمين واقعدي افتكري نعمة مع كل مرة هتلاقي ممكن الفجر يدن عليك وانت ما خلصتيش النعم حتى الابتلاءات حتى الابتلاءات احيانا ابن يكون يعني ايه عامل نفسه بقى بلطجي في البيت لا بيزاكر ولا بيروح دروس ولا ابوه يعمل له دروس يروح ياخذ الفلوس ويروح - [00:39:32](#)

يصعب او يروح ما يروحش دروس. ينط من على المدرسة يسقط. ابوه في الاخر مسكه ضربه علقة بهدله. الواد اتأدب ومشى على العجين ما يلخبطوش. اتخرج نجح اشتغل بقى موفق بقى ناجح بقى بقى. لما كل واحد يكلمه يقول له ايه النجاح ده؟ يقول له ايه؟ لولا العلقة اللي ادها لي ابويا. واخدين بالكم معي؟ اهو الابتلاء - [00:39:52](#)

احيانا بيبقى سر نجاح الانسان في الحياة وسر عدلة الانسان في الحياة. انت ممكن ابتلاءات ربنا سبحانه وتعالى هي دي اللي عزلتك. هي دي اللي رجعتنا لربنا سبحانه وتعالى نعم ربنا يا جماعة. يا جماعة ده ابسط حاجة. انت في وشك عينيك فيها سائل. السائل اللي بيغطي العين ده الدموع ده. وودنك فيها سائل. الشمع ده. مناخيرك فيها سائل. المخاض ده - [00:40:12](#)

وبوقك فيه سائل اللعاب. انتم مستاهلين بالسوائل ديت. لو سأل العين ده غاب. جربتم حد منكم شاف حد؟ عنده جفاف في العين؟ يا الهي! والقرح اللي بتحصل له والقطرات اللي ماشي بها ليل نهار. جربتم الالم بتاعها ربنا يعافينا جميعا يا رب. طيب لو السائل بتاع الانف هو اللي راح. يا الهي! التراب كله اللي - [00:40:32](#)

اتحبس فيها يدخل على الرئة. الناس هتفضل ماشية كله قعد يعطس في وش بعضه. ويا اما ما لو ما عطسناش هيحصل تحجر في الرئتين والعياذ بالله. طب السائل اللي في البق؟ السائل اللي في البق ده اللي انت - [00:40:52](#)

لو مش موجود اه اتنين يقعدوا يضربوا على ضهرك عشان اللقمة تنزل لغاية ما الظهر يتكسر والعياذ بالله. طب ازاى اللي في الودن؟ السائل اللي في الودن ده مر جدا. ما - [00:41:02](#)

ما تخليش اي حشرة تقرب من ودنك. ايه حشرة! ايوة يا حبيبي! يا حبيبي لولا السائل ده كان اي صرصار ظريف او اي حشرة لطيفة ما لقتش نادي ومكان مكيف اجمل من الودن بتاعة حضرتك. كنت حضرتك صحيت من النوم اول حاجة تعملها كل يوم تنضفها من الحشرات. اللي دخلت فيها وانت نايم - [00:41:12](#)

الموضوع ده يا جماعة يعني تخيلوا يا جماعة السوائل ديت سائل المفاصل لولاها كنا مشينا نزيق وكنا مشينا نعمل زي العربيات لازم نروح نتشحم كل اسبوع ونغير زيت زي العربيات. نعم نعم الحمد لله رب العالمين. واحنا مش حاسين بها. الصلاة لازم تعيش بقلبك في الصلاة. لازم تعيش - [00:41:31](#)

وكيف تصبر على ما لم تحط به خبرا عبادة ما انتاش فاهمها هتصبر عليها ازاى يا جماعة العبادة لو ما انتاش عايشها مش هتقدر تستحملها. لو ما انتاش عايش بقلبك معها مش هتقدر تفهمها. لازم نعيش بقلوبنا مع الصلاة يا جماعة نبقي فرسان - [00:41:51](#)
في الصلاة فرسان في الصلاة. النبي عليه الصلاة والسلام كان لما بيصلي بينسى الدنيا واللي فيها. ويقول لربنا اهل الثناء والمجد يعني بيناجيه. بيقول ويا اهل السماء يا اهل المجد احق ما قال العبد ها؟ ايه احق ما قال العبد يا رسول الله؟ وكلنا لك عبد ايه احق ما قال العبد يا رسول الله؟ ايه اكبر حقيقة في الوجود يا رسول الله - [00:42:06](#)

ايه اعظم حقيقة في الدنيا كلها يا رسول الله؟ لا مانع لما اعطيت ولا معطي لما منعت. الرسول بيقول لربنا يا رب اكبر حقيقة في الوجود ان ما فيش حاجة بايد حد غيرك. ان ما فيش حاجة في الكون بتسبح حد غيرك. ان ما فيش حاجة في الوجود في الوجود بتعبد حد غيرك. ان ما فيش امر في الوجود بايد حد غيرك - [00:42:26](#)

ده احق ما قال العبد. ده اعظم حقيقة. ده في الصلاة يا جماعة. نبقي فرسان الصلاة. فرسان للصلاة يا اخواني زي بعد بعد في حلقة ان شاء الله باذن الله لما نقف نصلي هنصلي ايه ما هو انتم متوقعين هنفتح برنامج العشرة الاوائل من ذي الحجة بايه؟ ركعتين توبة طبعاً باذن الله سبحانه وتعالى. نتوب من كل - [00:42:46](#)

بلاوي بقى اللي اتعملت في السنين اللي فاتت. فرسان في الصلاة. فرسان في الصيام. الصيام كل التفاسير اللي الواحد قرأ فيها. لقيت فيها يعني يعني سبحان لقيت فيها ان سبب ان ميقات سيدنا موسى من ثلاثين يوم باربعين يوم عارفين ايه؟ انه بعد ثلاثين يوم لما جه معاد مناجاة الله في ظن موسى فبدأ - [00:43:06](#)

بدأ يحط حاجات في بقة تغير ريحة بوقه عشان يناجي الله. فرنا قال له اما علمت يا موسى ان خلفت مش صائم احب الي من ريح المسك ربنا امهل عشر تيام تانيين عشان ترجع ريحة بوق موسى ريحة بق الصائم تاني. شوفوا حبه لربنا للصيام شكله ايه. الكلام ده يا جماعة في كل التفاسير. ممكن ناس تقول الكلام ده غريب في كل - [00:43:26](#)

لقيته. يعني تخيلوا يا اخواني تخيلوا الرسول عليه الصلاة والسلام كان لما يدعي يقول افطر عندكم الصائمون واكل طعامكم الابرار وصلت عليكم الايه؟ الملائكة. الله! الصائمون مع الملائكة ليه؟ الرسول جمع الاثنين مع بعض ليه؟ الملاك ده ما بياكلش ولا يشرب. والصائم ما بياكلش ولا يشرب - [00:43:46](#)

يعني العبادة اللي بتخليك زي الملائكة؟ طب الرسول جاب الصائم قبل الملاك ليه افطر عندكم الصائمون؟ وفي الاخر وصلت عليكم الملائكة. لان الملك ما بياكلش ولا يشرب بس فطرة. يعني - [00:44:04](#)

غير احتياج. انما انت مش هتاكل ولا تشرب بس وانت بتجاهد نفسك. لله سبحانه وتعالى. يا جماعة عبادة الصيام الصيام ما تنسوش نتسحر الليلة ان شاء الله وتعاهدوا ربنا ان التسع تيام دول يتصاموا. وعلى قد ما نقدر نفطر صائمين في التسع تيام دول.

الصيام يا جماعة. وبعد ما تخلص الايام دي ان شاء الله بازن الله - [00:44:14](#)

خلاص نجاب على اتنين وخميس. بازن الله سبحانه وتعالى. فرسان في القيام قيام الليل. العبادة بتاعة الناس اللي عارفة انها بتيجي من فوق. ان ما فيش حاجة بتيجي غير من فوق. قيام الليل يا جماعة مش واحد واقف بيقرأ قرآن وخلاص بس لأ - [00:44:34](#) كلم ربنا احكي له نجيه اشكي له همومك. بث له كل اللي انت عايز تقوله مش ربنا قال سجدا وقياما. تسجد تطلب وتطلب وتطلب وبعد كده تقوم تقرأ القرآن بقى وعشان تشحن قلبك وتغسله تاني. وبعد كده تنزل تطلب وتناجي وتشتكي وتحكي -

[00:44:48](#)

مع ربنا سبحانه وتعالى. القيام يا جماعة القيام. يا جماعة ده علي ابن ابي طالب فتح على يديه خيبر بسبب ايه؟ يحب الله ورسوله هو يحبه الله ورسوله يفتح الله على يديه بسبب حب الله. القيام ده عبادة اهل الحب. عشان ربنا يخليك فتح. عشان ربنا يخليك فتح.

يا جماعة القيام ده - [00:45:08](#)

اجابة الدعاء وقضاء الحوائج. يا اخواني يا اخواني قيام الليل يا جماعة. على قد ما نقدر. مش لازم تجيب الاربع ساعات بتوع التلت الاخير من الليل كلهم. مش لازم. هات على قد ما تقدر - [00:45:28](#)

هات ساعتين هات ساعة. يا سيدي ابدأ بنص ساعة بس بقلبك. بس صل بقلبك لربنا. يبقى لحقت لك ربع ساعة سجود ودعاء وربع ساعة قيام وقرآن. يبقى احنا كده يا جماعة وقفنا بين ايديه في قيام الليل. انما كده لأ ما ينفعش الوضع اللي احنا فيه. لازم بقى لازم نتغير بقى. لازم وقفة بقى - [00:45:38](#)

لازم وقفة جدية بقى. لازم نقول طب ولغاية امتي؟ ولغاية امتي؟ ما احنا بنسمع كثير وما نتغيرش وما نتقدمش. طب لغاية امتي؟ والجديد اللي جاي لسه جديد انا خايف من الكلام ده. انا هقدر اعمل الكلام ده. والله هتقدر يا ابني. والله يا حبيب قلبي هتقدر اضعاف اضعافه. لانيك بالله مش بنفسك. هتقدر و هتبقى صفحة جديدة في حياتك - [00:45:58](#)

ربنا وهتبقى بتظهر كل اللي فات وهتبقى بتشحن رصيد للآخرة. ما تعرفش مداها عند ربنا سبحانه وتعالى. وساعة ما هتنزل قبرك هتفتكر الدرس دهو. والدروس اللي زي وتفتكر العشر تيام دول وتقول احمدك واشكر فضلك العظيم يا رب. ايوه يا جماعة يا جماعة مش معنى ان احنا ما بنفكرش في الآخرة ان احنا مش هنعيشها. مش معنى ان احنا ما بنفكرش - [00:46:18](#)

شف اول ليلة في التراب ان احنا مش مش هتنزل تحت التراب. مش معنى ان احنا ما بنفكرش في العرض على الله ان مش هنلاقي نفسنا قدام المالك بنعرض. مش معنى ان احنا ما بنفكرش في الصراط - [00:46:38](#)

انك انت مش هتلاقي نفسك بيتقال لك حد من عليه. يا جماعة لأ. ده واقع واقع وهنعيش ولازم نشتغل له. ولازم فكر الآخرة يستر علينا وعلى حياتنا لازم نبقي فرسان بقى. لازم نبقي فرسان على قد ما نقدر. احنا الايام دي كل اللي وانا العبادة. احنا الايام دي دورة مكثفة في العبادة. ان احنا - [00:46:48](#)

يا عباد عشان نطلع من عشر ذي الحجة نتمرص على العبادة بقى. نقدر بقى ان احنا نسبت اوراد لنا في حياتنا بقى. اهو ربنا سبحانه وتعالى جايب لك فرصة اهو. عايزين نبقي فرسان - [00:47:08](#)

فرسان احنا قلنا فرسان ايه؟ قلنا فرسان في التوبة. فرسان في طلب الآخرة. فرسان في العبادة. فرسان كنوز حياتنا كلها كلها. ربنا انا انا دلوقتي باقول لك الحاجة اللي هتنجيك قدام ربنا وهتديك امل في الحياة. فرسان في المجاهدة زي السعي بتاع السيدة هاجر.

مش من اول مرة ولا ثاني مرة ولا تالت مرة الفتح ببيجي - [00:47:19](#)

يلا قوموا حاولوا فرسان في السبات. فرسان في السبات والتضحية زي سيدنا ابراهيم. عليه الصلاة والسلام. فرسان في السبات زي دعاء اليزيدية دعاء بتاعة العراق. البنت اللي عندها سبعتاشر سنة اللي لسة يعني كانت يزيديية وبقت من عبدة الشيطان وبعد كده اسلمت. ولما اسلمت وتركت اليزيدية وتركت عبد الشيطان - [00:47:39](#)

فاتزوجت شاب مسلم وخلاص وسابت اهلها. اهلها راحوا للقوم اللي راحت لهم. وقعدوا يقولوا لها طب تعالوا لأ طب هاتوا لنا بنتنا والله ما نعمل فيها حاجة بس رجعوا لنا بس بس. واول ما - [00:47:59](#)

جت لهم القبيلة بتاعتها كلها اليازبية فضلت تمسك كتل خرسانة اسمنتية وتضرب فيها قبيلة كاملة بترجم واحدة بكتل خرسانة اسمنتية لغاية ما قتلوها بنت عندها سبعة عشر سنة وماتت وهي سابتة على دينها. وسابتة على سنة رسول الله صلى الله عليه وسلم. سبات حتى الممات. سبات مهما حدس نمازج - [00:48:09](#)

بنشوفها في الطريق وبتشجعنا واحنا ماشيين في الطريق. ربنا يثبت قلوبنا على الحق يا رب فرسان في الزكر ذكر الله سبحانه وتعالى. ان الكون كله بيسبح نسبح مع الكون. سبق المفردون. سبق المفردون. فرسان في الدعاء كلمة يا رب - [00:48:29](#)

الامل في الحياة. شفتهم الراجل بتاع صاحب الجنيتين اصبح يقلب كفيه. الحركة دي عكس الحركة دي. يقلب كفيه يعني ما عدش فيه امل. خلاص بيدري انما يرفع ايده في الدعاء. يعني الامل كله فوق. اللي بيقلب كفيه اللي مستنيها من تحت. فبيأس في الآخر. انما اللي مستني من فوق ما بيبأسش ابدا يا جماعة. فرسان في الدعاء - [00:48:44](#)

فرسان في الدعوة الى الله هنفضل سايبين الواقع كده لحد امتي؟ امتي هنعيش في بيئة ايمان بقى؟ امتي الايمان هينتشر في بلادنا بقى؟ امتي هنحس ان احنا صحبة الايمان متوافرة في كل مكان. امتي هنلاقي الدين سهل وجميل؟ امتي يا جماعة هنعيش جمال الدين؟ الدعوة هي اللي بتخلي الدين جميل. لان الدعوة هي اللي بتعمل بيئة ايمان - [00:49:04](#)

الدعوة هي اللي بتسحقنا وبتنشطنا نشغل بقى ندعو بقى احب الدعوة الى الله في احب ايام الله. انك تدعو يعني ورقة زي دي اما تدعو بس لاول مشروع ختمة القرآن بس. لو واحد ختم نصه بسببك عشر تجزاء بسببك. شف في ميزانك قد ايه. في هذه الايام. تخيلوا يا جماعة الدعوة الى الله - [00:49:24](#)

فرسان فارسات في العفاف ياللا بقى يعني بقى اعلف لبسك بقى درجتين تلاتة اربعة بقى. هاتي القمة بقى. فارسات فرسان فرسان في قيام الليل عبادة الناس لانها عارفة انها بتيجي من فوق من عند الله. بس انا باقوم اقضي حوائجي بالليل وانام وانا مستريح بقى بعد كده بازن الله. فرسان في الصلاة عبادة الروح - [00:49:44](#)

صلاة صلة الرحم بالله سبحانه وتعالى. فرسان في الصلاة العبادة العظيمة اللي ربنا سبحانه وتعالى وانها لكبيرة الا على خاشعين اللي قلبه بيتحرك هو ده بس اللي مش هتبقى صعبة عليه. انما اللي قلبه مش بيتحرك فيها مش هيقدر يكمل. الا على الخاشعين لازم نبقى كده بازن الله - [00:50:03](#)

فرسان في الصيام عايزين نبقى زي الملائكة بقى. عايزين نشابه الملائكة بقى. نقول يا رب تركنا الطعام والشراب للشهوة لاجلك يا رب فرسان. فرسان العشر المعركة بدأت يا جماعة. معركة العشر من ذي الحجة بدأت يا جماعة. بدأت من ساعات. المعركة اعداءنا فيها الشيطان الاثيم الرجيم - [00:50:23](#)

عليه لعنة الله. وربنا يقدرنا عليه ان شاء الله. زي ما الرسول عليه الصلاة والسلام بيقول في صحيح مسلم. ترغيما للشيطان على سجدتي السهو. ترغيما للشيطان هاتوا مناخيره في التراب. احنا عايزين نجيب في العشر تيام دول مناخيره في التراب. بازن الله سبحانه وتعالى. نقول له ما هيش فارقة رمضان من عشر ذي الحجة وانت بتأيد زي وانت مطلوب - [00:50:41](#)

مش فارقة ان شاء الله. بازن الله سبحانه وتعالى. العدو بتاعنا الشيطان والنفس خدوا بالكم يا جماعة. دول اعداء خطيرة جدا. العدو بتاعنا. اوعى. اوعى يا حبيبي. اوعى يا اختي - [00:51:01](#)

اوعى ربنا يقول لك خد خد. تقول مش عايز. اوعى. النهاردة كنت بقرأ في قول الله قل للذين امنوا يغفروا للذين لا يرجون ايام الله. اللي مش عايزين ايام ايام الفضل العظيم زي الايام اللي جاية دي وايام الفتح العظيم. لا يرجون هو في ناس - [00:51:11](#)

في ربنا اه طب ونغفر لهم ليه يا رب؟ لانهم مساكين غلبة. ده واحد قدامه الكنوز ومش عايز يفتحها. ما هوش عايز يفتحها. زي ما ربنا بعد ما اقسم وقال وليال عشر - [00:51:27](#)

قال بعدها ايه؟ هل في ذلك قسم لذي حجر؟ هو ده محتاج حد عاقل عشان يعرف قيمته؟ طب ليه ربنا ما قلش لذي عقل ليه قال

لذي حجر؟ الحجر عارفين لما واحد - 00:51:37

يكون سفيه يعملوا ايه؟ يحجروا عليه. ليه؟ هيودي الدنيا كلها في داهية. اهو بالزبط كده نفسك دي سفيهة. لازم تحجر عليها. لازم عقلك يحجر عليها. لازم متقيد قهوة اولى هتوديك في داهية هتضيعك. هتدمر لك حياتك. هتدمر لك دنيتك واخرتك. لازم نحجر عليها. لازم يا جماعة. يا جماعة رمضان من جديد يا جماعة - 00:51:47

رمضان من جديد بكل روحانياته وعباداته يا جماعة. بس ان شاء الله ربنا يعينا فيه بازن الله على انفسنا وعلى الشياطين جميعا. وعلى الفتن وعلى الشهوات حتى لوحدنا حتى لو الشياطين متربصة بنا. مهما كان ربنا معنا. ربنا مش هيسيبنا بازن الله. ربنا مش هيتخلي عنا. ربنا ما بيرفضش الصادقين - 00:52:07

ربنا ما بيردش اللي بيقف على بابه. ربنا سبحانه وتعالى بيكرم اعظم كرم اللي بيفتح ايده وبيقول يا رب وبيقبل على الله. ربنا بيهول اليه سبحانه وتعالى من فرح ربنا سبحانه وتعالى به. فعازين ربنا يفرح بنا في العشر تيام دول. عازين ربنا يهرول الينا في العشر تيام دول. يا جماعة ان شاء الله - 00:52:27

بازن الله سبحانه وتعالى العشر الاوائل من ذي الحجة هنعمل سلسلة بازن الله هتبقى كل ليلة يعني هتبقى كل ليلة عشرة وربع عشرة ونصف يعني الله اعلم الايام دي مش - 00:52:47

كلام كتير طبعا. يعني مش سلسلة هتبقى ساعة مسلا ولا ساعة الاربعة. لا ده احنا عازين الايام دي مش ايام كباسين وآ روستات يتكتب فيها كبسولات وحبوب وكل تمن ساعات حباية! لأ يا حبيبي! الايام دي ايام حقن! كل اللي فيها انجيكتشن! كل اللي فيها حقن بس! حقن مركزة! تحت شعار فرسان العشر! كل يوم - 00:52:59

يوم ان شاء الله كل ليلة من الليالي اللي ربنا اقسم بها نتقابل بازن الله. ونبقى فرسان في عبادة من العبادات. بكرة بعده بعده ان شاء الله فرسان الزكر الصيام. فرسان الصدقة وصنائع المعروف. فرسان التوبة في كل مرة فرسان في حاجة. فرسان عرفات. فرسان صلة الرحم - 00:53:19

كل مرة هنشوف حاجة وحاجات كتير جدا. ربنا يعيننا ويوفقنا ويسدنا ان شاء الله. وهنبقى فرسان في حاجة من الحاجات كل ليلة ان شاء الله. نتقابل في الايام الليالي الخطيرة ديت ونعمل مشروع - 00:53:39

وعملي نفضل نطبق فيه لغاية ما نتقابل في اليوم اللي بعده بازن الله بحيس ان احنا نخرج فعلا فرسان ونخرج فعلا على عيد عظيم على العيد الكبير تبقى الفرحة الكبيرة بقى في العيد الكبير بازن الله. سبحانه وتعالى عازين نبقى فرسان العشر. وتبقوا فارسات العشر بازن الله سبحانه وتعالى - 00:53:49

يا اخواني التوصيات قبل ما اسيب الحلقة آآ يعني يعني انا مش عايز افكركم بالكسوف بتاعنا من الاخوة بتوع امريكا اللي بيترجموا انجليزي يعني واحنا فين احنا كان المفروض نبادر الدعوة يا جماعة الدعوة الدعوة واستغلال الامكانيات والمواهب يا جماعة في الدعوة - 00:54:09

الورقة اللهم لك الحمد يعني جزاهم الله خيرا القائمين على نشرها وطبعها بزلوا مجهود كبير جدا. والطلب كان اكبر من مجهود. ففي ناس ما وصلت لهاش ما تزعلش لا زال لا زل بيحاولوا انهم يوصلوا لكل الناس. الله! يا اخي ده العشر خلاص بدأوه بكرة اليوم الاولاني. والنهاره الليلة الاولانية. عارفين - 00:54:26

لو حتى وصلت يعني لو بعد يومين عرفت تجيب الورق بعد يومين بعد ثلاث تيام واديت لواحد بعد ثلاث تيام قرأ الورقة حس انه ضيع كنز خطير في حياته. كفاية الندم - 00:54:46

كفاية انه هيعرف بعد كده ان العشرة من ذي الحجة دي موسم جهاد. كفاية انه هيلحق خمس تيام منهم. يا جماعة ايه يعني؟ ايه يعني؟ عازين نستمر. يعني الرقم الخيري لا يزال مفتوح - 00:54:56

الرقم بتاع الاسبوع اللي فات. الصفر عشرة تسعمية خمستاشر ثلاثة وتمانين. الرقم ده لا يزال مفتوح ان شاء الله بازن الله. سبحانه بازن الله ايه المشكلة؟ نحاول على قد ما نقدر. بعض الناس ما نقدرش نوصل لها. يعني واحد مصاريف الشحن بتاعته سبعين جنيه

هنوصل له ازاي؟ وهنقول له ازاي يدفع سبعين جنيهه مصاريف شحن - 00:55:06

مستغرب من المبلغ هو مش واخد باله المصاريف شكلها ايه؟ احنا نفسنا فوجئنا بهذه المصاريف وهذه التكاليف. فقدر الوسع يا جماعة قدر الوسع وربنا المستعان. وربنا اللي بينشر الدعوة سبحانه وتعالى. احنا دورنا انا بقول كلمة وانتم بتنشروها وبتبلغوها لربنا سبحانه وتعالى. وربنا اللي بيكتب القبول سبحانه وتعالى من عنده. باذن الله سبحانه وتعالى. الرقم لا يزال - 00:55:26

مفتوح صفر عشرة تسعمية خمستاشر ثلاثة وتمانين ويعني الله المستعان باذن الله سبحانه وتعالى. طيب يعني هنعمل ايه؟ انت انت انت واقف ساكت كده ليه؟ انت ما لك ساكنة كده ليه؟ مال بقكم واقف كده ليه؟ العضلة اللي جوة دي ما بتتحركش ليه؟ يلا يا جماعة العداد ده لازم يشتغل ما تبطلوش لحظة ما - 00:55:46

ذكر لحزة عايزين نهتر في ذكر الله. عايزين نبقي مولعين بالذكر نجرب بقی. ذكر القلب بقی. الواحد يبقي فرحان كده وهو ماشي. سبحان الله والحمد لله ولا اله الا الله والله اكبر نهتر في ذكر الله سبحانه وتعالى. هنبدا الليلة ان شاء الله اول ما تخلص الحلقة اللي احتسبنا وقتها عند الله ان شاء الله نقوم نصلي ركعتين توبة لله - 00:56:06

تندم على كل ذنوبنا وبعدها باذن الله نبدأ في الختمة بقی في خاتمة القرآن امال هنختم امتي ما هو يدوبك ما هو عشان نختم ثلاثين جزء في عشر تيام يوم العيد ده يبقي صعب - 00:56:26

ان احنا نقرأ فيه يعني عايزين نختم على عرفة ان شاء الله. يبقي عايزين ايه يا جماعة؟ عايزين اجتهاد بقی ثلاث اجزاء في اليوم كده بكل قوة باذن الله سبحانه وتعالى - 00:56:36

وبعد كده نبدأ في الختمة بتاعتنا. ما تنسوش السحور كويس اوي باذن الله قبل الفجر. والواحد سبحان الله يا اخي. لما يبجي يصوم كده يقول ايه ده يا رب؟ الواحد بيشرب كل الماية - 00:56:46

عشان خايف من يوم صيام في الشتاء في الشتا امال يوم الحر الاعظم بتاع يوم القيامة هنعمل له ايه؟ يا الهي! يا ربي! سبحان الله! السحور قبل الفجر صلاة الفجر دي اول بقی صلاة فجر في في العشر الاوائل من ذي الحجة. ده ربنا قال والفجر وليال عشر -

00:56:56

يعني الفجر الجاي هيبقى فيه قسم مرتين به. لانه من ضمن هذه الايام العشرة وفي نفس الوقت هو صلاة الفجر المشهودة. يبقي صلاة الفجر ها اول ما يسمع الاذان بيقول الله اكبر - 00:57:12

اكبر نزل. الطلبية الفورية زي ما اتفقنا الورقة بقی لازم تنفس بقی وتتعلق كده وش وضر ونبدأ بقی ايه نجتهد على قد ما نقدر ان شاء الله. ما حدش يبطل - 00:57:22

يا جماعة نشر فيها اللي عايز يطبع اللي عايز ينشر. اللي عايز يعمل حاجة. يا جماعة والله مش معنى انها بدأت. فيه ناس محتاجة ان الورقة دي توصل لها ولو اخر يوم. ما حدش يبطل يا جماعة. احنا - 00:57:32

نرمي البزرة واللي بينبتها واللي بيطلعها ربنا سبحانه وتعالى صلاة الفجر وبعد كده ايه ها جلسة الضحى الحج والعمرة. باذن الله نتواصى بالكلام ده بصدق يا جماعة ان شاء الله. انوي خير وربنا هيعينك. والله العظيم. تنشرح صدورنا - 00:57:42

كده اقعد قل يا رب اشرح لي صدري. ويسر لي امري. وبعد كده باذن الله سبحانه وتعالى عايزين بكرة بقی ان شاء الله احنا قلنا الليلة خلاص اهوات. قيام الليل - 00:57:56

وختمة المصحف بادئ ختمة المصحف سواء في الصلاة او من غير صلاة. واللي ركعتين التوبة في الاول. وقبل الفجر السحور وصلاة الفجر مع تكبيرة الاحرام. ومع التلبية الفورية اول ما نسمع الله اكبر. وجلسة الضحى تاني عايزك بكرة بقی ما تبطلش لسانك ما

تبطلش زكر. ما يبطلش سبحان الله والحمد لله ولا اله الا الله والله اكبر. وكلمة - 00:58:06

ديت تيجي في قلبك كده ترجه. ما ينفعش يوم صيام يروح علينا. خل معدتك تسبح شوية بقی. خل معدتك تستريح وتسبح شوية بقی. ما ينفعش ساعة تعدي علينا من غير زكر - 00:58:26

ما ينفعش تكبيرة احرام تفوت علينا. ان شاء الله الايام دي تبقى كلها عبادة. وكلها طاعة وكلها اقبال على الله. وكلها قربة الى الله.

وكلها عار للمجاهدة من اجل الدار الآخرة. وكلها امل في الله. وكلها حب لله. وكلها اقبال بقلب صادق مخلص على الله. سبحان -

[00:58:36](#)

وتعالى ربنا يعينكم جميعا. وربنا يعينني ويعيننا جميعا يا رب. ويملى حياتنا بطاعته يا رب. ويستعملنا في طاعته ليل ونهار يا رب. يا رب فرسان يلا يا فرسان. يلا يا فارسات العشر. يلا ندعي ربنا باحساس فروسية كده. دعاء الفرسان ده احنا قلنا فرسان في الدعاء.

[00:58:56](#) - ندعي ربنا ان

ربنا يتوب علينا ويغفر لنا. اللهم تب علينا. اللهم اعنا في هذه الايام. اللهم اعنا في هذه الليالي وهذه الايام. اللهم اعنا على ذكرك شكرك وحسن عبادتك اللهم تب علينا توبة لا نرد على اعقابنا بعدها ابدا. رب اجعلنا لك صوامين لك قوامين. لك ذكارين لك شكارين -

[00:59:16](#)

اللهم انت تعلم ضعفنا وعجزنا وكسلنا فاعنا على انفسنا يا رب. اعنا على الصيام اعنا على القيام. اعنا على ختم القرآن. اعنا على ذكرك

[00:59:39](#) ليلا ونهارا يا رب اعنا على طاعتك يا رب. اعنا وافتح على قلوبنا. اللهم افتح علينا -

في هذه الايام اللهم افتح علينا في هذه الايام فتحا مبينا عظيما يا رب يا رب يا رب اجعلها ايام هدى لامة محمد كلها يا رب انزل

[00:59:59](#) هدايتك على قلوب الفتيات والشباب والامهات والاباء والاطفال يا رب انقذ امة محمد يا رب انقذ -

شباب امة محمد يا رب برحمتك يا ارحم الراحمين اقول قولي هذا واستغفر الله لي ولكم. سبحانك اللهم وبحمدك. اشهد ان لا اله الا

[01:00:19](#) انت. استغفرك واتوب اليك. جزاكم الله خيرا -

[01:00:36](#) -